



ESTADO SA HAWAI'I
DEPARTAMENTO SA EDUKASYON
P.O. Box 2360
Honolulu, HI 96804

Oktubre 12, 2020

Minahal nga mga Ginikanan ug Tigbantay,

Ang Departamento sa Edukasyon sa Estado sa Hawaii o Hawaii State Department of Education (HIDOE) nakakompleto sa pagpanudlong pagrepaso sa kurikulum nga onlayn nga Acellus Learning Accelerator. Kining maong pagrepaso nahimugso tungod sa mga reklamo sa pipila ka ginikanan, tulunghaan ug komunidad labot sa mga hilisgotan nga kuwestiyonable ug dili sibo nga sulod, kabiskog ug pagpahiangay sa mga bataan.

Base sa pagtuki, ang hugpong nga nagrepaso mirekomendar nga ang programa kinahanglan hunongon isip nag-unang tinubdan sa kurikulum tungod sa iyang pagka dili makanunayon sa kalidad ug kabiskog. Ang HIDOE miila sa kurikulum nga wala magbaton og sulod diin ang mga nanagrepaso nakakapag nga mahimong dawaton ug pahiangay sa mga bataan, ug makig-alayon sa mga tulunghaan nga naggamit og Acellus sa pag-ila ug pagtimbang sa sulod, agad sa husto.

Atol sa mga buwan sa berano, sa paningkamot nga daling makatubag, ang Acellus gitanyag ngadto sa mga pamilya nga nagdikidiki sa pisikal nga pagpatungha sa ilang mga anak sa tulunghaan dihang nagbukas ang tuig-tingtungha. Gigamit usab kini sa mga tulunghaan isip suplemental nga himan sa pagsuportar sa halayo nga pagkat-on atol sa pandemik. Among giila nga adunay mga pamilya nga magpadayon pagpangayo og hingpit nga pagkat-on sa halayo bisan unsa pa man ang modelo sa tulunghaan sa bata.

Ang Departamento nagtapos na sa plano sa pagtakli alang sa mga gumagamit sa Acellus.

Alang sa mga tinun-an sa sekundarya nga nagtinguha og kredito alang sa pagtapos gamit kining maong programa, ang Departamento dili buot nga mobalda sa kasamtangang progreso sa mga tinun-an. Ang mga tulunghaan sa sekundarya motubag niining maong hilisgotan sa pagpakig-alayon sa nagpakabanang mga ginikanan sa pagpiho nga ang mga tinun-an gisuportahan sa tibuok tuig-tingtungha. Alang sa mga tinun-an sa elementarya, naningkamot kami nga makahatag og kapilian nga ikatanyag sa mga tulunghaan isip suplementaryang kahigayonan sa pagkat-on ngadto sa mga pamilya kansang kabataan anaa sa halayo nga pagkat-on.

Tataw nga kining maong hilisgotan nakamugna og kabalda, ug niana kami mangayog pasaylo. Nanguha kami sa pagdis-og sa pamaagi nga nagsuportar sa among mga tinun-an sa paaging dili kaayo makabalda. Buot kong mopasalig kaninyo nga andam kami sa paghatag og labing maayong kasinatian sa pagkat-on, ilabi na ning mahagitong panahon.

Matinud-anon,

Dr. Christina M. Kishimoto
Superintendente

CMK:nk